

PRESS RELEASE

Berita Harian
22 September 2010



KOMPLEKS Komersial Plaza Merdeka di Pearl Streets, Kuching, bakal menjadi ikon pembangunan terbaru di Sarawak.

Bina Puri sains kontrak RM100j bina kompleks Plaza Merdeka

BINA Puri Holding Bhd memperoleh kontrak bernilai hampir RM100 juta bagi projek pembinaan Kompleks Komersial Plaza Merdeka Hotel di Pearl Street, Kuching, Sarawak.

Pengarah Urusan Kumpulan, Senator Tan Sri Tee Hock Seng berkata, kontrak yang diperolehi menerusi anak syarikatnya, Bina Puri Construction Sdn Bhd (BPCSB), daripada Rakyat Elite Sdn Bhd pada 7 September lalu itu dijangka siap dalam tempoh 19 bulan.

Katanya, dengan penganugerahan projek terbaru itu, nilai kontrak semasa kumpulan Bina Puri kini meningkat kepada RM2.57 bilion.

“Dengan kepakaran global, pengalaman, kebolehan yang dimiliki Bina Puri, kami yakin dapat menyiapkan projek yang diberikan itu dalam tempoh yang dijanjikan,” katanya sambil menambah kumpulan itu turut berjaya meraih kontrak baru bernilai RM1.62 bilion tahun ini dan komited untuk terus membida projek baru di dalam dan luar negara.


Tee berkata, penganugerahan kontrak terbaru itu adalah projek

dalam pakej keempat yang membabitkan kerja pembinaan dan menyiapkan cadangan pembangunan bangunan 13 tingkat Kompleks Komersial Plaza Merdeka Hotel.

Katanya, projek pakej keempat yang diraih itu adalah susulan kejayaan kumpulan itu menyiapkan kerja membina dan menyiapkan kerja struktur asas tingkat bawah Plaza Merdeka di bawah pakej ketiga bernilai RM54 juta yang diberikan oleh Rakyat Elite pada 6 Ogos lalu.

Plaza Merdeka, apabila siap kelak bakal menjadi ikon pembangunan terbaru di Kuching yang menampilkan sebuah bangunan hotel dan pusat beli belah termoden di bawah satu bumbung.

Plaza yang dibina di tengah pusat bandar raya itu dan terletak di kawasan tumpuan utama pelancong itu disifatkan sebagai nafas baru yang akan merancakkan lagi aktiviti pelancongan dan perniagaan terutama di kawasan sekitarnya seperti daripada Pearl Street ke kawasan selatan, Jalan Tun Abang Haji Openg ke kawasan timur, Kai Joo Lane ke selatan serta Kompleks Old Courthouse.



RUANG dalaman Kompleks Komersial Plaza Merdeka hotel.

For further enquiries, please contact :

Cik. Surati Sujor
Corp Communications Dept
BINA PURI HOLDINGS BHD
Tel : 03-6136 3333 (3005)
Fax : 03-6136 9999
E-mail : surati@binapuri.com.my